



UNIVERSITÄTS-  
BIBLIOTHEK  
PADERBORN

**Vitæ Sanctorum Sacris per singulos anni dies  
Meditationibvs illustratæ**

**Paderbornæ, 1697**

S. Ado Episcopus. 16. Decemb.

---

[urn:nbn:de:hbz:466:1-62968](#)

cognoscis, plura ignoras. An illi grates retulisti, quod te crearit conservarit, redemerit: quod natus sis ex Christianis parentibus, quod divitias sanitatem, & ingenium dederit? Deo memorem te prebeas tot gratiarum: Tuus sum Domine, me tibi totum trado.

2. Vitium ingrati animi exsiccat divinorum beneficiorum fontem; Deus gloriam suam magis amat, quam, qui eam alteri daturus sit: eam furaris gloriam, cum ipsis gratias non agis, cumque cogis, ut nova tibi deneget beneficia. Ah Domine! in adversis, ut in prosperis te laudabo; omnia que mihi contingunt, excepto peccato, argumenta sunt tui in me amoris. O caecus! O ingratus hominum animus. Pro naturae bonis, & quidem saluti saepè noxiis, Deo grates rependimus. Discamus non solum in prosperis, sed etiam in adversis gratias agere. Greg.

3. Triplex est ad imum hujus vitii gradus. 1. Oblivisci beneficiorum 2. Malum pro honore reddere. 3. Ut beneficiis in contumeliam benefactoris. Quoties naturae dotibus usus es ad offendendum Dominum? si Deum obliviscaris benefacientem, senties corripiensem. Sciat, hanc esse ira Dei censuram, ut qui beneficium non intelligitur, plaga intelligatur. Cyprian.

## S. A D O Episcopus.

16. Decemb.

*Memor esto itaque, unde excideris:*

*E age pœnitentiam, E prima opera fac. Apoc. c. 2.*

Multum profectò confert, cum quibus  
adolescas, & senii fructus plerumque  
juventutis floribus conformes sunt: nec mi-  
rum, nam arborum id est, qualis & homo,  
quamvis inversa, si quidem de cœli succo vi-  
vat. Ado, ut nobilium mos erat, admodum  
puer, Monachis creditus à parentibus, ut in  
cœnobio poneret virtutum fundamenta.  
Magno id operæ pretio in eo factum est: nam  
vix concepto Religionis amore adhuc Ephe-  
bus jam Phæbus erat, adeò præ aliis, in jun-  
cta nobilitati virtute effulgit, ut, Viennæ de-  
functo Pontifice, cùm urbem transiret, ob  
sanctitatis famam concordi omnium voto, in  
successorem electus, inque vacuâ cathedrâ  
sit collocatus. Amplius is campus fuit Ado-  
nis pietati & misericordiæ: palatum ejus e-  
gentibus asylum fuit, etiam sub mensa patu-  
lum, ne cuiusquam inopis impediretur un-  
quam accessus. Largè dabitur omnibus. Ab-  
iectus per diem in prolixas preces, etiam per-  
noctabat in templo. Tres illic aras erexerat,  
Magdalenæ pœnitenti, Petro neganti Chri-  
stum, & piolatroni: ad has præcipue statio-  
num suarum metam fixerat, cum peccatori-  
bus scilicet supplices multiplicans peccator  
lacrymas. Et quantilli errores erant viri tam  
sancti,

sanc*ti*, si tua delicta (heu tamen siccus) con*seras?* Ex Brev. Viennensi Barri.

## M E D I T A T I O.

### *De triplici conversione.*

1. **Q**uodam reperire licet, qui penè cum lacte nutritis pietatem suxisse videntur, quique à tenaris Deo consecrat se. Beatus, qui portaverit jugum Domini ab adolescentia sua, siquidem benè agendi consuetudo naturæ vim obtinet. Si fueris id ætatis, Confera Domino primitias vitæ tuæ. Senex vix laborem sentit, qui ab juventute labori fuerit assuetus.

2: Quidam florentibus annis, mundo & voluptatibus serviunt, sed, cognitâ voluptatum vanitate, nuntium remittunt mundo, ut Dominus sequantur, hoc si feceris, dole quod tam diu vixeris mundo. Nunc age, curre viam mandatorū, cum breve tempus tibi supererit. Si nondū Deo servieris, ne desperes, sed sine mora viam salutis ingredere. Deus conversioni tua indulgentiam promisit sed dilationi crastinum non promisit. Aug.

3. Sunt, qui conversionis suæ principio ignescunt, sed aliquando post extinguntur, pietatem fastidiunt, & pristinas repetunt voluptates. Ignave, quid agis? compara, quæso, animi quietem, cum angoribus & conscientiæ stimulis, qui te manent in mediis seculis

Bb 5 deli-

delitiis: Revoca in animum tuum causas tuæ conver-  
sionis, ex iisdem causis iidem effectus orientur.

## S. LAZARUS Episcopus.

17. Decembr.

*Miserunt ergo sorores ejus ad eum  
dicentes: Domine, ecce? quem  
amas, infirmatur. Joan. cap. II.*

**I**lle Lazarus est quo Fratre Germano nobiles Sorores Martha & Magdalisa gaudebant, Christo dilectus & ab hoc amici etiam nomine donatus. Plus dico. Ille est, qui mortuus lacrimas Deo & gemitus potuit excutere, coque adigere amantem, ut contra ferreas Mortis leges sepultum jam & tabescentem vitæ, & quod caput est, amicitiæ suæ redderet; quæ unica puto causa fuit, cur è sinu Abrahæ non invitus rediret Lazarus. Cæterum sic vivus invidiâ tantum non emori Judæos fecit, nimis contra improbos magnus certusque Servatori testis. Itaque alteras illi mortis insidias struxerunt, stultissimo consilio, cum Fatis jura dicere Christum viderent notum jam nuper Lazari patronum. Hoc tamen in cælos, & Apostolis in divisum à se orbem abeuntibus